

Član 12.

- (1) NVO koje su bile korisnici budžetskih sredstava Općine u prethodnim godinama, obavezne su dostaviti Službi, do isteka godine za koju su sredstva dodijeljena, finansijski i narativni izvještaj na obrascu koji je objavljen na web stranici Općine.
- (2) Ukoliko korisnik u ugovorenom roku ne dostavi izvještaj o namjenskom utrošku dodijeljenih sredstava ili ih utroši nenamjenski, Općina će pokrenuti postupak za povrat sredstava.

V - PRELAZNE I ZAVRŠNE ODREDBE

Član 13.

Stupanjem na snagu ovog Pravilnika prestaje da važi Pravilnik o načinu, postupku i kriterijima za dodjelu sredstava udruženjima i fondacijama ("Službene novine Kantona Sarajevo", br. 22/12, 50/13 i 7/16).

Član 14.

Ovaj Pravilnik stupa na snagu narednog dana od objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-14-2314/17  
29. maja 2017. godine  
Sarajevo

Predsjedavajuća  
Općinskog vijeća  
**Karolina Karačić, s. r.**

Ovaj Pravilnik je objavljen na oglasnoj ploči Općine Centar 15.06.2017. godine.

**Općinski načelnik**

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 07.6.2017. godine, verifikovao je i donio

**ODLUKU**

**O KOREKCIJI URBANISTIČKOG PROJEKTA "VELIKI PARK"**

**Objekat KJKP "Park"**

Član 1.

Utvrđuje se korekcija Urbanističkog projekta "Veliki park" ("Službene novine Grada Sarajeva", broj 20/08), u daljem tekstu: Korekcija Plana.

Član 2.

Predmet Korekcije Plana je stvaranje uvjeta za zadržavanje izgrađenog objekta - upravne zgrade KJKP "Park", u Ulici Pruščakova br. 35, u Velikom parku, Općina Centar, kao što je prikazano na grafičkom prilogu br. 2.

Sanaciju objekta izvršiti:

- u postojećem horizontalnom gabaritu (oblik osnove "L") i
- vertikalnom gabaritu, spratnosti P, uz zadržavanje postojećeg oblika krovišta (pokrov crijep);
- obavezno je izvršiti sanaciju vanjskih zidova i temelja;
- namjena objekta - odlaganje alata i drugog materijala za potrebe "Poslovne radne jedinice Centar" KJKP "Park",
- zadržati vanjsko popločanje od kamena.

Član 3.

Korekcija Plana sastoji se iz tekstualnog dijela i grafičkog priloga. Tekstualni dio i grafički prilog korekcije Plana su sastavni dio Urbanističkog projekta "Veliki park" ("Službene novine Grada Sarajeva", broj 20/08).

Član 4.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar, Zavoda za planiranje razvoja Kantona Sarajevo i Ministarstva prostornog uređenja i zaštite okoliša Kantona Sarajevo.

Član 5.

Korekcija Plana je rađena za fazu urbanizma, a obaveza investitora je da za faze komunalne infrastrukture i saobraćaja, izvrši usaglašavanje Korekcije Plana sa Idejnim rješenjima, koja su sastavni dio Urbanističkog projekta "Veliki park", te da pribavi saglasnosti nadležnih javnih komunalnih preduzeća.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-279/13  
07. juna 2017. godine

Općinski načelnik  
Prof. dr. **Nedžad Ajnadžić, s. r.**

**OPĆINA NOVI GRAD SARAJEVO**

**Općinski načelnik**

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo", br. 30/09 - Prečišćeni tekst), Općinski načelnik, dana 13.06.2017. godine, verifikovao je i donio

**ODLUKU**

**O KOREKCIJI IZMJENA I DOPUNA REGULACIONOG PLANA "DOBRINJA"**

(Stambeno-poslovni objekat, k.č. 557/1)

Član 1.

Utvrđuje se Korekcija Izmjena i dopuna Regulacionog plana "Dobrinja" ("Službene novine Kantona Sarajevo", broj 35/06), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za planiranje stambeno-poslovnog objekta, na parceli označenoj kao k.č. 557/1, k.o. Dobrinja, Općina Novi Grad Sarajevo, prema sljedećim urbanističko-tehničkim uslovima, odnosno na način:

- Namjena planiranog objekta je stambeno-poslovni, a spratnost je prizemlje i četiri sprata (P+4). Krov je ravni.
- Regulaciona linija građevinske parcele obuhvata vlasničku parcelu k.č. br. 557/1 K.O. Dobrinja, Općina Novi Grad Sarajevo, na način kako je prikazano u grafičkom prilogu br. 3 i 4.
- Građevinska linija posljednje (4) etaže uvučena je u odnosu na građevinsku liniju prizemlja i ostalih etaža po 2,0 m sa sjeverozapadne i jugoistočne strane, što je prikazano u grafičkom prilogu br. 3, tako da je max. gabarit prizemlja i 3 (tri) sprata 49,0 x 18,0 m (max. BGP prizemlja i 3 (tri) spratne etaže iznosi po 882 m<sup>2</sup>), a max. gabarit 4 (četvrtog) sprata 49,0 x 14,0 m (max BGP 4 (četvrtog) sprata iznosi 686 m<sup>2</sup>). Ukupna BGP svih nadzemnih etaža planiranog objekta iznosi 4214 m<sup>2</sup>.
- Maksimalna spratna visina prizemlja je 3,50 m.
- Obzirom na dužinu objekta od 49,0 m, kod arhitektonskog oblikovanja voditi računa o naglašavanju vertikala (uvlačenjem i izvlačenjem u okviru maksimalne građevinske linije) na sjeverozapadnoj i jugoistočnoj fasadi, kako bi se ublažio izduženi izgled objekta.
- Eventualno izvlačenje strehe iznad 4 (četvrtog) sprata ne može biti veće od 0,5 m.